

REGIONAL NEWS UNIT
ALL INDIA RADIO, AGARTALA

Date: 03-04-2026

Time: 07:55-08:05 PM Hrs

BENGALI EVENING BULLETIN

Headlines :

- (১) ধর্মনগর বিধানসভা কেন্দ্রের উপনির্বাচনে আজ থেকে পোস্টাল ব্যালটে ভোটগ্রহণ শুরু হয়েছে।
- (২) বিজেপি'র প্রবীন নেতা-মুখ্যমন্ত্রী অধ্যাপক ডাঃ মানিক সাহা বলেছেন, রাজ্য সরকার সব অংশের মানুষকে নিয়ে এক ত্রিপুরা ও নতুন ত্রিপুরা গড়ে তোলার প্রয়াস জারি রেখেছে।
- (৩) কেন্দ্রীয় সরকার এলপিজি এবং অন্যান্য পেট্রোলিয়াম পণ্যের বেআইনি মজুত ও কালোবাজারির বিরুদ্ধে প্রয়োজনীয় ব্যবস্থা নিতে রাজ্য ও কেন্দ্রশাসিত অঞ্চলগুলিকে নির্দেশ দিয়েছে।
- (৪) বর্গাচ্য অনুষ্ঠানের মধ্য দিয়ে ছত্তিশগড়ে আজ খেলো ইন্ডিয়া ট্রাইবেল গেমসের পরিসমাপ্তি হয়।

Bye Election:

ধর্মনগরের বিধানসভা কেন্দ্রের উপনির্বাচনে আজ থেকে নির্বাচনের কাজে নিযুক্ত কর্মীদের পোস্টাল ব্যালটে ভোটগ্রহণ শুরু হয়েছে। রিটার্নিং অফিসার দেবযানী চৌধুরী জানিয়েছেন, ধর্মনগরের বীর বিক্রম ইনস্টিটিউশনে মোট ১৫৯ জন ভোট কর্মীর মধ্যে আজ ৯৯ জন পোস্টাল ব্যালটে ভোট দিয়েছেন। আগামীকালও পোস্টাল ব্যালটে ভোট নেওয়া হবে। উত্তর ত্রিপুরা জেলার জেলাশাসক চাঁদনী চন্দ্রন জানিয়েছেন, ধর্মনগরের বিধানসভা কেন্দ্রের

উপনির্বাচন অবাধ ও শান্তিপূর্ণভাবে সম্পন্ন করার জন্য প্রয়োজনীয় সবধরনের ব্যবস্থা গ্রহন করা হয়েছে।

Byte- DM North Tripura

ADC Election :

রাজ্য নির্বাচন কমিশন এডিসি নির্বাচনে আগামী ৭ ও ৮ই এপ্রিল পোস্টাল ব্যালটে ভোটগ্রহনের জন্য প্রস্তুতি নিয়েছে। ভোটগ্রহনের কাজে নিয়োজিত ভোটকর্মী ও নিরাপত্তা কর্মীদের ভোটগ্রহণ করা হবে। এডিসি'র আমতলি-গোলাঘাটি, হালাহালি-আশারামবাড়ি, কুলাই-চাম্পাহাওর ও রামচন্দ্রঘাট নির্বাচন ক্ষেত্রের ভোটকর্মী, টিএসআর, পুলিশ, অন্যান্য কর্মীদের তিনটি ফেসিলিটেশন সেন্টারের মাধ্যমে ভোটগ্রহন করা হবে। ৭ ও ৮ই এপ্রিল সকাল ১০টা থেকে বিকেল ৪টা পর্যন্ত পোস্টাল ব্যালটের মাধ্যমে ভোট নেওয়া হবে। সংশ্লিষ্ট কেন্দ্রের রিটার্নিং অফিসার তথা মহকুমা শাসকগণ ভোট গ্রহনের কাজ তদারকি করবেন।

আমতলি-গোলাঘাটি আসনে পোস্টাল ব্যালটে ভোটগ্রহন করা হবে বিশালগড়ে অফিসটিলা দ্বাদশ শ্রেণী বিদ্যালয়ে। কুলাই-চাম্পাহাওর আসনের পোস্টাল ব্যালটে ভোটগ্রহন করা হবে কুলাই দ্বাদশ শ্রেণী বিদ্যালয়ে।

CM, Taibandal:

বিজেপির প্রবীন নেতা-মুখ্যমন্ত্রী অধ্যাপক ডাঃ মানিক সাহা বলেছেন, রাজ্য সরকার জনজাতি অংশের মানুষের উন্নয়ন ও এডিসিতে সুশাসন প্রতিষ্ঠা করতে প্রতিশ্রুতিবদ্ধ। এডিসি নির্বাচনে পেকুয়াজলা- জন্মেজয়নগর কেন্দ্রে বিজেপি প্রার্থী মজী দেববর্মার সমর্থনে আজ গাবদী বাজারে আয়োজিত জনসভায় তিনি

একথা বলেন। মুখ্যমন্ত্রী বলেন, প্রধানমন্ত্রী নরেন্দ্র মোদীর সবকা সাথ, সবকা বিকাশ, সবকা প্রয়াস, সবকা বিশ্বাসের কথা মাথায় রেখে রাজ্য সরকার সব অংশের মানুষকে নিয়ে এক ত্রিপুরা ও নতুন ত্রিপুরা গড়ে তোলার প্রয়াস জারি রেখেছে। তিনি বলেন, সরকার রাজ্যের জনজাতি জনগোষ্ঠীর কল্যাণ ও উন্নয়নকে সর্বোচ্চ অগ্রাধিকার দিয়েছে এবং বাজেট বরাদ্দের একটি উল্লেখযোগ্য অংশ আদিবাসী-কেন্দ্রিক কর্মসূচি ও পরিকাঠামো খাতে ব্যয় করা হচ্ছে।

কাঁঠালিয়া মির্জা রাজাপুর কেন্দ্রের বিজেপি প্রার্থী পদ্মলোচন ত্রিপুরার সমর্থনে আজ তৈবান্দাল উচ্চ বিদ্যালয় মাঠে আয়োজিত জনসভায় মুখ্যমন্ত্রী রাজ্যের জনজাতিদের উন্নয়নে রাজ্য সরকারের গৃহিত পদক্ষেপ বিস্তারিত উল্লেখ করেন। সভায় বক্তব্য রাখেন উচ্চশিক্ষা মন্ত্রী কিশোর বর্মণ, বিধায়ক জিতেন্দ্র মজুমদার, স্বপ্না মজুমদার, অভিষেক দেবরায়।

CPIM- Pacherthal:

এডিসি নির্বাচন'কে সামনে রেখে আজ ঊনকোটি জেলার পেঁচারথল বাজারে সিপিআইএমের উদ্যোগে এক জনসভা অনুষ্ঠিত হয়। জনসভায় সিপিআইএম রাজ্য সম্পাদক তথা বিরোধী দলনেতা জিতেন্দ্র চৌধুরী বলেন, বামফ্রন্ট হচ্ছে জনগণের প্রকৃত বন্ধু। তিনি বিজেপি ও তিপরা মথা সহ কেন্দ্র ও রাজ্য সরকারের নীতি ও কাজকর্মের সমালোচনা করেন। বক্তব্য রাখেন, প্রাক্তন বিধায়ক সমীরণ মালাকার, সিপিআইএম নেতা সমর রায় ও সাধন কুমার চাকমা প্রমুখ।

ADC Campaign :

এডিসি নিৰ্বাচন ঘিৰে ৰাজ্যেৰ বিভিন্ন এলাকায় ৰাজনৈতিক দলগুলিৰ প্ৰচাৰ চলছে। আজ ডেমছড়া-কচুছড়া আসনেৰ বিজেপি মনোনীত প্ৰাৰ্থী বিপিন দেববৰ্মা এৰং বিজেপি নেতা তথা মন্ত্ৰী টিংকু ৰায় জামতলি এডিসি ভিলেজেৰ বিভিন্ন গ্ৰামে জনসম্পৰ্ক অভিযানে অংশ নেন। তেলিয়ামুড়া মহাৰানীপুৰ কেন্দ্ৰেৰ চাকমাঘাট সংলগ্ন ৰঙ্গিয়া টিলা গুচ্ছগ্ৰামে এক প্ৰচাৰ সভায় উপস্থিত ছিলেন বিজেপি মনোনীত প্ৰাৰ্থী বিল্লু জমাতিয়া। একই কেন্দ্ৰেৰ সিপিআইএম প্ৰাৰ্থী ৰতন কিশোৰ জমাতিয়াৰ সমৰ্থনে মুঙ্গিয়াকামী বাজাৰ এলাকায় এক সভা অনুষ্ঠিত হয়। মনু-ছৈলেংটা কেন্দ্ৰেৰ তিপ্ৰা মথা প্ৰাৰ্থী হলিউড চাকমা মনু বাজাৰে এক প্ৰচাৰ সভায় অংশ নেন। মুহুৰীপুৰ ভুড়াতলী কেন্দ্ৰে আইপিএফটি প্ৰাৰ্থী স্মৃতি মোহন ত্ৰিপুৰা বথুয়া পাড়ায় জন সম্পৰ্ক অভিযানে অংশ নেন।

ADC- Road March:

আসন্ন এডিসি নিৰ্বাচনকে সামনে রেখে আজ উত্তৰ ত্ৰিপুৰা জেলাৰ জেলাশাসক চাঁদনী চন্দ্ৰন এৰং উত্তৰ ত্ৰিপুৰাৰ পুলিছ সুপাৰ অবিনাশ ৰাইয়েৰ নেতৃত্বে কাঞ্চনপুৰ শহৰে ৰোড মাৰ্চ কৰা হয়। জেলাশাসক জানান, আসন্ন এডিসি নিৰ্বাচনে সাধাৰণ মানুষ যাতে অবাধ নিৰ্ভয়ে, সুষ্ঠু এৰং শান্তিপূৰ্ণ পৰিবেশে ভোট দানে অংশ গ্ৰহণ কৰতে পাবেন তা নিশ্চিত কৰায় এই কৰ্মসূচি গ্ৰহণ কৰা হয়েছে।

Update Akashvani :

এখবৰ শুনছেন, আকাশবাণী আগৰতলা কেন্দ্ৰ থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন – ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্ল্যাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

LPG:

কেন্দ্রীয় সরকার এলপিগি এবং অন্যান্য পেট্রোলিয়াম পণ্যের বেআইনি মজুত ও কালোবাজারির বিরুদ্ধে প্রয়োজনীয় ব্যবস্থা নিতে রাজ্য ও কেন্দ্রশাসিত অঞ্চলগুলিকে নির্দেশ দিয়েছে। পেট্রোলিয়াম ও প্রাকৃতিক গ্যাস মন্ত্রকের সচিব ডঃ নীরজ মিশ্র এই বিষয়ে সমস্ত রাজ্য ও কেন্দ্রশাসিত অঞ্চলকে চিঠি লিখেছেন।

তিনি বলেন, দেশের কিছু কিছু এলাকায় গুজব ও ভুল তথ্য ছড়ানো অব্যাহত রয়েছে, যার ফলে অপ্রয়োজনীয় জন উদ্বেগ এবং আতঙ্কিত হয়ে কেনাকাটার ঘটনা ঘটছে। রাজ্যগুলিকে বেআইনি মজুত, অপব্যবহার এবং অপ্রয়োজনীয় আতঙ্ক সৃষ্টি করতে পারে এমন ভুল তথ্য ছড়ানোর বিরুদ্ধে কঠোর সতর্কতা বজায় রাখার পরামর্শও দেওয়া হয়েছে। মন্ত্রণালয় জানিয়েছে, সমস্ত শোধনাগার উচ্চ ক্ষমতায় চালু রয়েছে, পর্যাপ্ত অপরিিশোধিত তেলের মজুত আছে এবং পেট্রোল ও ডিজেলের পর্যাপ্ত মজুত বজায় রাখা হচ্ছে।

এদিকে, ইন্ডিয়ান অয়েলের পক্ষ থেকে বলা হয়েছে পশ্চিম এশিয়ায় চলমান পরিস্থিতি বিশ্বব্যাপী জ্বালানি বাজারকে প্রভাবিত করা সত্ত্বেও ভারতের

এলপিজি সরবরাহ স্থিতিশীল ও পর্যাপ্ত রয়েছে। ইন্ডিয়ান অয়েল বাড়ি বাড়ি নিরবচ্ছিন্ন এলপিজি সরবরাহ বজায় রেখেছে এবং বর্তমানে প্রতিদিন প্রায় ২৮ লক্ষ এলপিজি সিলিন্ডার সরবরাহ করছে।

Good Friday:

আজ পবিত্র গুডফ্রাইডে। খ্রীষ্ট ধর্মের প্রবর্তক প্রভু যিশুর দ্রুশবিদ্ধ দিবস। এই উপলক্ষে রাজ্যেও খ্রীষ্টধর্মাবলম্বীরা উপবাস থেকে বিভিন্ন ধর্মীয় আচার অনুষ্ঠানের মধ্য দিয়ে দিনটি পালন করছেন। গুড ফ্রাইডে উপলক্ষে মুখ্যমন্ত্রী অধ্যাপক ডা: মানিক সাহা রাজ্যবাসীকে আন্তরিক প্রীতি ও শুভেচ্ছা জানিয়েছেন। এক শুভেচ্ছা বার্তায় মুখ্যমন্ত্রী বলেন, গুড ফ্রাইডে প্রভু যীশু খ্রিস্টের অসীম ত্যাগ ও আত্মবলিদানের কথা স্মরণ করায়।

পবিত্র গুডফ্রাইডে উপলক্ষে আজ দুপুরে আগরতলার উপকণ্ঠে মরিয়মনগর শান্তিররাণী ক্যাথলিক চার্চে বিশেষ ধর্মীয় আচার অনুষ্ঠানের মধ্যে দিয়ে প্রভু যিশুর দ্রুশবিদ্ধের স্মরণ করা হয়। বিশেষ প্রার্থনা সভায় প্রভু যিশুর দ্রুশ ধারণের পথ অনুসরণ করে তাঁর প্রতি শ্রদ্ধা জানানো হয়। খ্রীষ্ট ধর্মাবলম্বীরা এতে অংশ নেন। সমগ্র অনুষ্ঠানটি পরিচালনা করেন গির্জার পৃষ্ঠপোষক ফাদার লিনাস। তিনি আজকের দিনটির তাৎপর্য বর্ণনা করেন।

#####Byte Father Lenus#####

Khelo India:

বর্গাচ্য অনুষ্ঠানের মধ্য দিয়ে ছত্তিশগড়ে আজ খেলো ইন্ডিয়া ট্রাইবেল গেমসের পরিসমাপ্তি হয়। এই আসরে মোট ২৩টি স্বর্ণ পদক নিয়ে কর্ণাটক তালিকার শীর্ষ স্থান দখল করে। মোট ৯টি পদক নিয়ে ত্রিপুরা পেল ২১তম স্থান। এর মধ্যে

সাঁতারে আটটি পদক ও আথলেটিক্সে ১টি পদক পেয়েছে। পুরুষদের ১১০ মিটার হার্ডলসে ব্রোঞ্জ পদক পেয়েছেন হরি মোহন ত্রিপুরা।

Kajal Smiti Football:

ত্রিপুরা ফুটবল এসোসিয়েশন পরিচালিত কাজল স্মৃতি ফুটবলের আজ দুটি খেলা হয়। উমাকান্ত মিনি স্টেডিয়ামে অনুষ্ঠিত প্রথম খেলায় সাই এস টি সি ১০-০ গোলে ফুলোঝানু আথলেটিক্স ক্লাবকে পরাজিত করে। পরে দ্বিতীয় খেলায় আগরতলা সিটি ফুটবল ক্লাব ১১-০ গোলের বিশাল ব্যবধানে প্রণবানন্দ বিদ্যামন্দিরকে হারিয়ে দেয়।

Super Division Cricket:

ত্রিপুরা ক্রিকেট এসোসিয়েশন পরিচালিত সুপার ডিভিশন লিগ ক্রিকেট প্রতিযোগিতার আজ তিনটি খেলা হয়। এম বি বি স্টেডিয়ামে ব্লাডমাউথ ক্লাব ৪ উইকেটে শতদল সংঘকে, নরসিংগড়ের পিটিএ মাঠে স্ফুলিঙ্গ ক্লাব ৬৬ রানে জয়নগর ক্রিকেট ক্লাবকে এবং টিআইটি মাঠে হার্ভে ক্লাব ২ উইকেটে সংহতি ক্লাবকে হারিয়ে দেয়।

Weather:

আগামী ২৪ ঘন্টায় রাজ্যের সবকটি জেলায় ৩০ থেকে ৪০ কিলোমিটার বেগে ঝড়ো হাওয়া সহ বৃষ্টির সতর্কতা জারি করেছে আবহাওয়া দপ্তর। আগামীকাল দিনের সর্বোচ্চ তাপমাত্রা ৩৫ ডিগ্রি সেলসিয়াস এবং সর্বনিম্ন ২৬ ডিগ্রি সেলসিয়াসের কাছাকাছি থাকতে পারে। আজ দিনের সর্বোচ্চ তাপমাত্রা ছিল ৩৫ ডিগ্রি সেলসিয়াস এবং সর্বনিম্ন ২৬.২ ডিগ্রি সেলসিয়াস।
